

2015-12-11

Говьсүмбэр аймгийн нийгэм, эдийн засгийн байдал (2015 оны 11-р сарын байдлаар)



I. Нийгмийн байдал

Хөдөлмөрийн хэлтэст бүртгүүлсэн ажил хайгч иргэдийн тоо 2015 оны 11 дүгээр сард 355 болсноос 207 нь эмэгтэйчүүд байна. Эдгээр бүртгэлтэй ажил хайгчдын 150 нь ажилгүй иргэд байна. Ажил хайгч иргэдийг өмнөх оны мөн үетэй харьцуулахад 38 буюу 9.7 хувиар, өмнөх сарынхаас 79 ажил хайгч буюу 18.2 хувиар тус тус буурсан байна. Улсын бүртгэлийн хэлтсийн иргэний бүртгэлийн мэдээгээр 2015 оны эхний 11 сард 391 эх амаржиж, 395 хүүхэд төрсөн нь өмнөх оны мөн үеийнхээс амаржсан эхийн тоо 43 буюу 9.9 хувиар, хүүхдийн тоо 47 буюу 10.6 хувиар тус тус буурсан байна.



II. Нийгмийн даатгал, халамж

Нийгмийн даатгалын сангийн орлого 2015 оны эхний 11 сард 6298.9 сая төгрөг, зарлага 7670.4 сая төгрөг болж, өмнөх оны мөн үеийнхээс орлого 380.7 сая төгрөг буюу 6.4 хувиар, зарлага 864.9 сая төгрөг буюу 12.7 хувиар тус тус өслөө. Нийгмийн халамжийн сангаас 2015 оны эхний 11 сард 4361 хүнд 1118.8 сая төгрөгийн нийгмийн халамжийн үйлчилгээ үзүүлсэн бөгөөд өмнөх оны мөн үеийнхээс нийгмийн халамж авагчдын тоо 141 хүн буюу 3.1 хувиар, олгосон нийгмийн халамжийн үйлчилгээ 9.1 сая төгрөг буюу 0.8 хувиар буурсан байна.



III. Эрүүл мэнд

Эрүүл мэндийн газраас эрхлэн гаргадаг мэдээгээр 2015 оны эхний 11 сарын байдлаар 401 эх амаржиж, амьд төрсөн хүүхдийн тоо 405 үүнээс 47.9 хувь нь эрэгтэй, 52.1 хувь нь эмэгтэй, өмнөх оны мөн үеийнхээс амаржсан эхийн тоо 45 буюу 10.1 хувиар, хүүхдийн тоо 44 буюу 9.8 хувиар тус тус буурсан байна. Он гарсаар 104342 хүнд амбулаторийн үзлэг хийсэн нь өмнөх оны мөн үеийнхээс 45703 хүн буюу 77.9 хувиар өсч, 4146 хүн эмнэлэгт хэвтэж эмчлүүлсэн нь өмнөх оны мөн үеийнхээс 608 хүн буюу 12.8 хувиар буурсан байна.



IV. Гэмт хэрэг

Аймгийн Цагдаагийн хэлтсийн мэдээгээр 2015 оны эхний 11 сард 200 гэмт хэрэг бүртгэгдсэн нь өмнөх оны мөн үеийнхээс 2 хэрэг буюу 1.0 хувиар өссөн байна. Илрээгүй гэмт хэргийн тоо 29 бүртгэгдсэн нь өмнөх оны мөн үеэс 10 буюу 25.6 хувиар буурч, гэмт хэрэг илрүүлэлтийн хувь 73.9 байгаа нь өмнөх оны мөн үеэс 51.7 пунктээр өссөн байна. Гэмт хэргийн улмаас 198 хүн гэмтэж, 22 хүн нас барсан нь өмнөх оны мөн үеийнхээс гэмтсэн хүний тоо 5 буюу 2.6 хувиар, нас барсан хүний тоо 12 буюу 2.2 дахин өссөн байна.



V. Хэрэглээний үнийн индекс

Хэрэглээний үнийн индекс гэдэг нь хэрэглэгчдийн худалдаж авсан бараа, үйлчилгээний нэр төрлөөр өөрчлөлтгүй тогтвортой байхад үнэ дунджаар хэрхэн өөрчлөгдөж буйг хэмждэг үзүүлэлт юм. Хэрэглээний үнийн индекс 2015 оны 11 сард 99.3 болж өмнөх сараас 0.7 хувиар буурч, өмнөх оны мөн үеийнхээс 5.1 хувь, жилийн эцсээс 5.5 хувиар өссөн байна.



VI. Орон нутгийн төсөв

2015 оны эхний 11 сарын байдлаар орон нутгийн төсвийн нийт орлогын төлөвлөгөө 20332.2 сая төг, гүйцэтгэлээр 18304.1 сая төгрөг болж нь өмнөх оны мөн үеийнхээс төсвийн орлогын гүйцэтгэл 3163.2 сая төг буюу 17.3 хувиар өсчээ. Аймгийн төсвийн нийт зарлага 15737.0 сая төгрөг төлөвлөгдсөнөөс 13415.9 сая төгрөгийн гүйцэтгэлтэй 2321.1 сая төгрөгийн хэмнэлттэй байна. Төсвийн нийт зарлага өмнөх оны мөн үеийнхээс 1764.8 сая төг буюу 13.2 хувиар бага байна.



VII. Мал аж ахуй

Аймгийн хэмжээнд 2014 оны эцэст тооллогдсон төллөх насны 154821 хээлтэгч малын 131685 буюу 85.0 хувь нь 2015 оны эхний 11 сард төллөсөн байна. Эм ямааны 84.6 хувь, эм хонины 86.2 хувь, үнээний 82.0 хувь, гүүний 79.4 хувь, ингэний 45.4 хувь нь төллөжээ. 2015 оны эхний 11 сард том малын зүй бус хорогдол 914 болж, өмнөх оны мөн үеийнхээс 163 буюу 15.1 хувиар буурсан байна. Ургац хураалтын явцын мэдээгээр аймгийн хэмжээнд 12 сарын 30-ны байдлаар 49.4 тн төмс, 103.1 тн хүнсний ногоо, 3 тн тэжээлийн ургамал хурааж, 73.1 тн хужир шүү, 34 тн гар тэжээл, 1132.8 тн өвс бэлтгэсэн байна.



VIII. Аж үйлдвэр

Аж үйлдвэрийн салбарын нийт үйлдвэрлэл 2015 оны эхний 11 сард 33373.4 сая төгрөг болж, өмнөх оны мөн үеийнхээс 1319.1 сая төгрөг буюу 3.8 хувиар буурсан ба үүнд уул уурхайн салбарынх 1820.9 сая төг буюу 5.7 хувиар буурсан нь голлон нөлөөлсөн байна. Оны үнээр 34439.7 сая төгрөгийн борлуулалт хийгдсэн нь өмнөх оны мөн үеийнхээс 839.8 сая төгрөг буюу 2.4 хувиар өслөө.

Материал бэлтгэсэн: Мэргэжилтэн.....С.Эрдэнэзаяа